

SARAJEVO

Konferencija posvećena uspostavljanju bh. diplomatije i ulozi dr. Irfana Ljubijankića

A. A.

23/01/2014 14:33:00



Sarajevo

SARAJEVO - Uspostavljanje, razvoj i funkcioniranje bh. diplomatije u toku rata i uloga ministra dr. Irfana Ljubijankića, tema je konferencije koju su danas u Sarajevu organizirali Centar za društvena istraživanja Internacionalnog Burč-univerziteta i pravni fakulteti iz Bihaća, Tuzle, Mostara i Zenice.

Na skupu, koji je okupio eminentne predstavnike akademske zajednice u BiH i bivše i aktuelne bh. diplomate, elaborirani su različiti aspekti nastavka bh. diplomatije nakon disolucije bivše Jugoslavije i priznanja nezavisnosti tadašnje Republike Bosne i Hercegovine i u tom kontekstu valoriziran doprinos dr. Irfana Ljubijankića kao jednog od glavnih protagonista u procesu kreiranja i uspjeha te diplomatije.

O nastanku bh. diplomatije u najtežim ratnim uvjetima (1992.- 1995.), s osvrtom na ličnost i djelo Irfana Ljubijankića, među ostalima, govorili su uvodničari Konferencije doc. dr. Sabit

Subašić, prof. dr. Hasan Muratović, prof. dr. Nevzet Veladžić, prof. dr. Izudin Hasanović, prof. dr. Enes Hašić, doc. dr. Maja Čolaković i mr. sci. Esad Oruč.

Podsjetili su na značaj uspostave odgovarajućih međunarodnih odnosa i relacija za međunarodno priznatu državu BiH te djelovanja ljudi poput Irfana Ljubijankića, koji su vlastitim i nesebičnim angažmanom obilježili to vrijeme i, zahvaljujući istinskim ljudskim vrijednostima i kreativnosti, odlučno trasirali put za razvoj bh. diplomatije u okolnostima agresije na BiH u kojima su pogažene sve univerzalne civilizacijske vrijednosti.

Po riječima uvodničara skupa, Irfana Ljubijankića krasili su brojni talenti i kvaliteti, a njegove temeljne osobine - uljudnost, dobronamjernost, srdačnost, izuzetan dar za kreiranje prijateljskog okruženja i njegov nemjerljivi patriotizam bile su poticajne za njegovu diplomatsku misiju, kojoj je utisnuo značajan i prepoznatljiv pečat.

- Bio je čovjek koji se svim svojim bićem borio za nezavisnu i nedjeljivu BiH, onu Bosnu u kojoj će svi njeni građani i narodi biti slobodni i jednakopravni. Cijeli svoj životni vijek borio se za univerzalne vrijednosti: slobodu, pravdu i toleranciju, i bio posvećen okupljanju i saradnji, odlučno se suprotstavljajući razdvajanju i sukobima - riječi su uvodničara.

Istaknuto je, među ostalim, da treba njegovati kulturu sjećanja, "jer nema budućnosti narod koji ne čuva sjećanje na svoje velikane", a u osvrtu na aktuelno stanje u BiH ukazano "na pogubnost intelektualne baruštine i partitokratske svijesti koja se nastanila na uzavreloj političkoj pijaci".

Sudionike skupa pozdravila je i Irfanova supruga Minka Ljubijankić, izražavajući zahvalnost organizatorima i svima koji su doprinijeli održavanju konferencije, a u sklopu prvog panela emitiran je dokumentarni film posvećen dr. Irfanu Ljubijankiću.

Irfan Ljubijankić bio je vrsni ljekar-specijalista iz Bihaća, koji je za ministra vanjskih poslova R BiH imenovan 23. juna 1994. godine. Na toj dužnosti poginuo je 28. maja 1995.

Prema zvaničnoj verziji, helikopter kojim se vraćao iz Bihaća u Zagreb oboren je agresorskom raketom pobunjenih Srba iz Hrvatske, nedaleko od Velike Kladuše.

(Vijesti.ba/Fena)



Norveški radijatori
Beha

www.beha.com.hr

Savršeno grijanje na struju, 5 god. jamstva. Made in Norway.



EASY-KLEEN
PRESSURE SYSTEMS LTD.

MANUFACTURER OF HIGH PRESSURE
CLEANING EQUIPMENT



**REELTREE
MAX-4 SERIES**

Easy Kleen has come out with guns blazing with the first
camo hot and cold pressure washers on the planet.
Your dirt won't know what hit it.

CLICK HERE FOR MORE INFO